



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Acta Synodalia Osnabrvngensis Ecclesiae, Ab Anno Christi  
MDCXXVIII.**

**Brogberen, Johannes**

**Coloniae Agrippinae, 1657**

Ordo Et Caeremoniae Synodi.

**urn:nbn:de:hbz:466:1-14298**

# ORDO ET CÆREMONIÆ SYNODI



**C**onvocatis, ut moris est, ordinaria auctoritate omnibus in Synodo comparere obligatis; citatione etiam ad varias majores Ecclesie Cathedralis aliquot diebus ante affixâ, Illustrissima sua Celsitudo prœsidie Synodi, nempe 19 Martii, quæ fuit Dominica Oculi, post prandium ad se vocavit omnes & singulos Archidiaconos presentes, & absentium Commissarios, ut vigore sui muneris Archidiaconalis, quilibet rationem redderet de reijuncta sibi per Diœcesin commissa, & quid sibi pro beno Diœcesis videretur in proxima Synodo statuendum, panderet.

Similiter 20 Martii prœsidie Synodi, ad horam tertiam, cum Consiliariis Consistorii sui Episcopalis, de Synodo, ad Ecclesiasticæ disciplinæ reformationem, commodius instituenda pluribus egit: Cui Concessit interfuit etiam Reverendissimus Dominus Ægidius, electus Episcopus Aureliopolitanus, Osnabrugensis novus Suffraganeus, qui prœsidie Coloniæ advenerat. Interim ab horâ quartâ ad quintam solennis fuit campanarum in omnibus Ecclesiis compulsatio; Advenere etiam Decani Ruales, alique de Clero, quibus omnibus accessus ad I. S. C. patuit, ut Ecclesiarum & subditorum suorum statum exponerent, simulque monerentur de disciplinæ Synodalis tabella accuratè observanda.

Die 21 Martii, feriâ scilicet tertîâ post Dominicam Oculi, quæ ordinaria Vernali Synodo statuta dies est, horæ aliæque officia divina in omnibus Ecclesiis sunt maturius inchoata; ab horâ sextâ ad septimam compulsatæ solemniter majores campanæ; convenit totus Clerus in Ecclesiâ Cathedrali; horâ septimâ instituta secundum consuetudinem processio, ad adducendum ex residentia Illustrissimum, qui post cathedrale capitulum immediatè secutus est, comitantibus hinc inde, in suis habitibus violaceis, rochetis, mantello & pileo quadrato atque pectorali cruce, R<sup>mo</sup>. D. Joanne Episcopo Sebastensi, & Monasteriensi Suffraganeo, nec non antememorato R<sup>mo</sup>. D. Ægidio, electo Aureliopolitano, & Suffraganeo Osnabrugensi, ad cuius consecrationem, 25 Martii in festo Annunciationis B. Mariæ Virginis, solemniter instituendam, pro assistentiâ dictus R<sup>mus</sup>. Sebastensis maturius advenerat: Alter vero R<sup>mus</sup>. D. Adamus Episcopus Hierapolitanus, Suffraganeus Hildesimensis citatè Assistens vocatus, post Synodum comparuit.

In Ecclesia ordo præcedentium Synodorum observatus, sacrum etiam de Spiritu Sancto solenne ab ipsâmet I. S. C. decantatum est, communicque Clero universo ut alias distributa: sessionem dicti R<sup>mi</sup>. Suffraganei habuerunt à latere Epistole Altaris cum sede genisflexorio panno seu tapeti obducto.

## SESSIO PRIMA.



**P**ost sacrum Misse Synodus cœpta est juxta præscriptum Pontificalis Romani, & morem hujus Ecclesie: Locus Synodalis unicuique idem fuit qui antehac; Illustrissimus confedit ante medium altaris in faldistorio elevato, prædicti R<sup>mi</sup>. Episcopi utrimque lateris clausere, uno gradu inferiores sedibus paratis.

Mox Synodus aperta est, deputati Promotores D. Joannes Jodocus à Ledebur, Cathedralis Ecclesie Thesaurarius; & Bernardus Matthiæ à Campo SS. Theologiæ Doctor, Illustrissima sua Celsitudo Consiliarius Consistorialis, & Canonicus ad S. Joannem. Secretarius Conradus Burenus ad S. Joannem Canonicus. Actuarius Christianus Brockman Pastor in Wahlenhorst. Notarius Synodi, in absentia Gerardi Brickwedde ægroti, pro hac vice designatus est Conradus Modeman, Cathedralis Ecclesie Vicarius.

Posteaquam Ill<sup>mus</sup>. Synodum assatus est per verba; Venerabiles Sacerdotes &c. & per primum Promotorem decretum de non discedendo lectum, recitatus est totius Cleri Osnabrugensis, qui de jure vel consuetudine Synodo interesse tenetur, Catalogus, quem Ill<sup>mus</sup>. constituta jam pace, & rehabito archivio ac documentis magno studio colligi, & conscribi fecit, ad perpetuam memoriam, juris etiam, quod nunc magnam partem novæ sectæ in religione impediunt, conservationem.

Hoc lecto catalogo duplicem Ill<sup>mus</sup>. ostendit dolorem, quem ex epus recitatione susceperat. Alterum, quod tot insignes Parochiæ, imo integri Decanatus & districtus, pulchra aliquando Ecclesie Osnabrugensis membra, novæ sectæ sustulerint. Alterum, quod multi sine legitimâ excusatione, ut contumaces & refractarii, neglectâ vocantis viri Pastoris voce, non comparuerint; pœnis debitè multandi. Mox etiam secundus Promotor contra absentium